

## Mahasiswa UMP curah bakti di Kemboja



Phnom Penh, Kemboja, 1 Mei- Seramai 20 orang mahasiswa bersama empat orang staf Universiti Malaysia Pahang (UMP) menyertai Misi Kemanusiaan Kemboja dalam menjalankan khidmat komuniti dan membantu masyarakat di sana. Program dianjurkan Majlis Perwakilan Pelajar (MPP) dengan kerjasama Jabatan Hal Ehwal Pelajar dan Alumni (JHEPA).

Mereka berpeluang mengadakan pemeriksaan kesihatan percuma kepada penduduk kampung, men bahasa inggeris kepada kanak – kanak di kampung, serta bergotong- royong membersihkan kawasan komuniti setempat.

Misi Kemanusiaan UMP ke Kemboja yang masuk edisi kali keempat pada kali ini bertemu masyarakat sekitar Kg. Baik Anlong yang terletak jauh daripada kawasan bandar. Ianya mengambil masa perjalanan selama empat jam dari bandar Phnom Penh dan sebuah kampung lagi adalah di Kg. Crai An Dait yang merupakan perkampungan yang agak berbeza berbanding kampung yang lain.



Menurut pengarah program, Alief Uzair Naharudin, ketibaan mereka disambut baik komuniti setempat. Pada kali ini mahasiswa berpeluang mendekati masyarakat dengan mengadakan pemeriksaan percuma kepada penduduk setempat yang terdiri daripada lingkungan 35 tahun hingga 80 tahun.

"Pendedahan turut diberikan kepada kanak – kanak dan remaja dengan mengajar cara yang betul memberus gigi, memberi ubat cacing dan ubat kutu serta menyedarkan mereka tentang pentingnya kebersihan kepada diri," katanya.

Selain itu kumpulan ini telah mengadakan program 'Oh My English (OME)' yang telah dibantu oleh salah satu pelajar yang fasih berbahasa melayu bagi membantu kanak – kanak dan remaja yang berada di madrasah ini lebih memahami bahasa universal yang digunakan oleh masyarakat dunia.





Katanya, program yang lebih dikenali sebagai OME ini mengajar mereka menyebut perkataan yang digunakan bagi kehidupan seharian dan program ini juga telah menerima sambutan yang menggalakkan serta menyeronokkan.

Lebih mencabar namun menyeronokkan apabila peserta meneruskan misi bergerak ke Kg. Crai An Dait yang terletak tidak jauh daripada bandar Phnom Penh. Pengalaman menaiki bot bagi menyeberangi Sungai Mekong suatu yang tidak dapat dilupakan.

Sementara itu, menurut Muhammad Hafizuddin Rasid yang berpeluang menyertai program berkata, perjalanan sungguh mencabar namun peserta dapat menimba pengalaman menaiki bot itu untuk sampai ke kampung itu dengan selamatnya.

Peserta juga diberikan pemeriksaan percuma kepada penduduk di sana termasuk kanak – kanak dan remaja. Di kampung ini, mereka bergotong – royong bersama penduduk setempat untuk membersihkan kawasan surau yang baru dibina.



Selain itu, kumpulan ini telah melawat rumah baru yang dibina khas hasil sumbangan orang ramai yang diusahakan pihak UMP dalam mengumpulkan dana sbagi membantu keluarga yang tidak berkemampuan di sana.

Walaupun Kg. Crai An Dait dekat dengan bandar tetapi fasiliti untuk penduduk di situ amatlah terhad. Mereka terpaksa menggunakan bot yang usang untuk cepat sampai ke bandar. Rumah – rumah yang didiami oleh keluarga di situ juga semuanya masih menggunakan kayu. Keadaan ini berbeza dibandingkan dengan Kg. Baik Anlong yang kebanyakannya mendiami rumah yang diperbuat daripada batu dan mempunyai fasiliti yang lebih baik untuk kehidupan komuniti di situ.

**Disediakan oleh Muhammad Hafizuddin Rasid, Setiausaha Agung MPP yang menyertai Misi Kemanusiaan Kemboja dan suntingan Bahagian Komunikasi Korporat.**

Posted By : NOR FADZILLAH BINTI ZULKIPLI Date Posted : 20-05-2016, 15:46:44